

偶

齋

詩

草

偶齋詩外集卷一

壬庚集

子至庚申

宗室寶廷竹坡著

擬韋柳子

攜壺步平蕪坐石村醪酌野鳥銜禾飛山空日將落閒
雲歸碧山流泉響深壑醉後臥青苔伴者惟元鶴莫笑
貧且賤頗饒饒山水樂

湖上

庚申

飯後步湖西閒遊趁斜景徐行過斷橋樓邊立俄頃日
落蒲葦涼荷香鷗鷺靜倚闌望長空莓苔透衣冷

湖上晚步

雨餘行湖堤沙岸靜如洗日落水風涼飄飄葛衫起遠
天青壓山殘霞紅滿水隔岸碧峯連蒼烟迷數里信步
至高亭石檻披衿倚昂頭一長嘯白雲生樹裏

翠隱亭

日午水風涼苔階眠乍醒山鳥兩三聲滿池楊柳影

寺居集

庚申壬戌

雪後閒步

緩步西郊外涼風透敝袍飢鳥啼古木落雁聚平皋雪

滿遠山。雲開寒日高。緣途多逸趣。遊覽不知勞。

春日風

青天萬里化爲地。黃沙四起愁雲積。寒日無光北風厲。
狂塵捲樹行人昏。波濤斗湧當街喧。汗泥亂石同掀翻。
須臾霾散風頓止。遙空色似雲藍紙。敗葉滿階飛不起。

早春

煖日揚輝遍小庭。韶光乍到尙無形。東風有意私楊柳。
萬縷千絲早變青。

元元集 癸亥甲子

塞下曲

衰草滿地秋山高，
環雲壓陣西風號。
黃塵捲樹白骨立，
冤魂無語隨霜刀。
銜枚疾趨住不得，
馳驟縱橫勇無敵。
戰鼓一聲關月紅，
旌旗十里邊風黑。
壯士揮鞭踏敵營，
往來攻擊刃槍鳴。
戰血橫衝人面酒，
劍光斜繞馬頭明。
殺聲徹夜深，
巖裏烈火飛騰遍。
山起黎明奏凱，
大軍還人首垂紅溼馬尾。

擬陶公歸田園居用第一首韻

懶作州縣吏，
力畊歸故山。
飢寒無復憂，
喜逢大有年。
林

下結茅屋蓬戶臨清淵不敢自憚勞日日來平田送飯
碧溪上食牛黃葉閒隣叟伴我行稚子導我前夕陽下
山外村落生炊烟羣鳥銜食歸爭飛喬木顛耕種暮已
畢倍覺身心閒把酒坐檐下胸中彌坦然

妾薄命

從古紅顏多命薄姻緣縱好無非惡才能咏絮貌如花
蹉跎難遇多情客妾薄命固堪悲郎薄命當怨誰

苦寒行

茫茫乎積雪千里無人行微陽慘淡愁雲平風頭如刀

面膚裂血流鬚髮凝丹冰車滑滑兮將傾馬戰戰兮不
鳴驚沙攙雪打人面烏藏獸匿四野寒無聲筋疲骨瘁
肌肉僵嚴寒酷冷焉能當口氣如白雲著手旋成霜苦
寒行良可傷

閨怨

璇閨獨處幾經年每憶蕭關倍黯然生怕遠人歸未得
含悲不敢擲金錢

鎮日含悲坐繡幃羅裙寬褪減腰圍雲鬢不整眉慵掃
閒弄檀弓舊日衣

春日雜詩

莫說窮居苦春來景物嘉
鳥聲半林日人影一闌
花困頓何須慨飢寒
枉自嗟感時當盡醉
休負此韶華

閨怨

愁多不知病終日臥香衾
自是儂薄命何曾耶負心
藁砧久不歸別恨無時已
縱使不思儂亦當思鄉里
離愁不可說日日望遼陽
窻外合歡樹離君將十霜

四時閨詞

歲月如梭擲匆匆已數春
遙知玉闕外應有憶家人

斜照滿迴廊石榴豔如火睡起整羅衫獨向花閒坐
西風吹翠幕桐葉滿階除悄臥秋窓下看郎去歲書
香闥夜不眠朔風樹閒大殷勤謝朔風莫到蕭關外

田家

隱跡荒田中安樂無憂患半生勤農工精力老逾健種
田百餘畝處處良苗徧舊穀隔年儲新蔬逐時變兒孫
解耕耘童稚識呼喚衣食不須慮誰復知貧賤卽此終
天年外物無所羨

一夜春雨急杏花開滿村野老率兒童破曉來平原驅

牛野泥滑負耒春風溫日暮耕種畢高唱歸柴門歡呼
索酒食雜坐忘卑尊食罷卽酣眠不知寒與暄

月下洗面

月下濯瓦盆鬚眉皆可見揮手弄盆水盆中明月亂舉
頭看天邊明月依舊圓低頭看盆底明月仍在水

山阿集 甲子

擬徐庾體

涼夜倚窓坐風景使人悲雲將暮雨去月帶秋河移飢
鳥啼古樹寒花明短籬別離已數載竟夕獨相思

又

獨立柴門外涼飈拂面過村燈遠觀淡山樹暮看多林
疏露微月星密亂明河清宵難自遣掩袖淚滂沱

揭曉前一日與文鏡寰滿敬之清階平飲酒

今日固是夢

榜前宴會俗
謂之喫夢

明日豈遂醒人生天地閒終

身與夢等有酒且暢飲莫負明月影功名果何物無妨
心暫冷夢中須覓樂百歲原俄頃

學舌耕集

甲子乙丑

秋思

伊人不可遇，獨坐傷心神。
含愁倚北窗，極目秋無垠。
木落遠山近，雨過斜照新。
相思難自遣，覽景添悲辛。

冬獵行

北風捲樹寒山鳴，黃沙白草連天平。
虎狼怒吼兔狐泣，火光逼日烟塵腥。
攀巖越嶺重圍合，弓刀燦爛人聲急。
風毛雨血亂寒空，馬作龍飛獸人立。
縱橫馳驟窮林藪，凍雲莽莽迷前後。
驕鷹逐兔挾風飛，怒犬衝人穿火走。
健兒攘臂爭豪雄，須臾蹴踏寒山空。
驚禽逸獸自相搏，血流澗壑層冰紅。
將軍大笑投弓起，返旆旋城士卒喜。

日落天寒暮山紫

將進酒

吁嗟乎君胡不進杯中酒辜負蒼天生此口狂吟縱飲
須盡歡古今無物能長久家貧身賤何須傷生前死後
同茫茫筆下有詩天有月花閒正可空千觴呼僮提壺
過酒家沽來共飲同喧譁酒氣成雲酒如雨詩腸潤透
心生花一樽復一樽酒空人已醉君醉君自行不行且
同睡人生不飲真徒然君不聞天有酒星地有酒泉人

有酒仙

經故居

披衿閒步聳吟肩
風捲殘花拂面旋
滿地月明人語寂
夜深行過故居前

山居

山中多樂事
地僻絕塵埃
過雨倚窓坐
流雲穿樹來
培花移碧草
掃逕避青苔
偶有良朋至
高齋句共裁

續西洲曲用元韻

吹夢到西洲
隨風渡江北
舉頭見檀郎
猶是舊顏色
問郎居何處
遙指垂楊渡
渡口卽郎門
隔江惟見樹
攜手

至門前低頭整翠鈿含情不肯入同看水中蓮蓮開西
洲秋花花多弁頭弁頭亂結子纍纍照清水相隨至門
中蓮花映頰紅忽驚香夢醒嘹唳聽歸鴻夢醒憶西洲
含愁獨下樓躊躇無所適棹舟來江頭江岸曲復曲江
流如碧玉凝眸望江邊感破雙蛾綠江水去悠悠滿江
雲影愁青山一痕外彷彿是西洲

無題

春花幾日紅轉昀多秋草不恨相見遲但恨別離早

鳴秋集

乙丑

蟋蟀

荒原雨過景淒淒
籬豆花殘半作泥
衰草一隄秋露冷
月明獨立斷垣西

塞上曲

黃雲壓城白日寒
飛沙打樹秋草乾
漢家大將統貔虎
鳴金伐鼓過燕然
單于傾國雄師動
馬騰士飽回驍勇
獵火炎炎接紫臺
烽烟漠漠連青塚
荒原格鬪風塵昏
強虜十萬齊崩奔
殘兵負甲哭空壘
戰馬拖尸馳破村
軍中自古異苦樂
効命疆場空踴躍
陣前白骨塞溝渠

帳下黃金滿囊纍邊庭遠戍十年餘昔日雄兵半白鬚
丹鳳城邊空有夢白狼河外久無書將軍禦敵多良策
不使朝廷勞擘畫鼓角無聲闕月明旌旗不動胡天碧
荷戈從役莫酸辛同是王家禦侮臣諸君欲上麒麟閣
休使邊功誤後人

病中作寄皆平白石子美

吁嗟乎天地之間疇不死古往今來盡如此茫茫十二
萬年中彭殤相去須臾耳聖賢莫能度流俗將何之神
仙雖長生尙須解其尸如來當日亦背痛性靈不滅稱

神奇世閒惟有虛空永不壞既然有質那得無無時漆
園禦寇發高論曠達亦是無聊思元天黃地猶復有混
沌人生百歲尤微微天之外其何如地之下其何居鬼
神殊恍惚安知誠有而誠無生人昏昏如夢寐夢中枉
自勞神智縱使洞澈天地死生因折衷無據空辭費動
植飛潛各遂其天榮枯修短終歸杳然死前懽樂縱盡
致片時快意殊堪憐明知人生本無謂低頭強學生人
事五官百體爲誰忙攘攘傀儡同登場聰明才力枉出
衆一朝氣散萬種同銷亡噫悠悠千古同此哀嗟予一

人將欲胡爲哉

歲餘集

乙丑

山海關行送李敘九從軍

青山接天危城高海風捲地翻驚濤
旌旗閃閃斜陽搖
畫角一聲關門放天兵十萬從空降
霜矛雪劍皆東向
烽烟不動胡天青飛沙打樹邊風腥
滿山戰血凝紅冰
銜枚疾走不成列寒霜打面面膚裂
馬聲戰掣人聲咽
雄兵猛將同爭功軍威直薄遼陽東
天戈一指妖氛空

送叙九

萬馬下遼東烽烟接混同旌旗翻塞雪鼓角亂邊風鐵
嶺寒雲黑銅溝戰血紅雄師天上落指日奏膚功

戎馬 東京起將軍下漢廷陣雲連塞紫邊樹入關青
返旆知何日征車不暫停燕然如有志濡筆我能銘

閒吟集

丙寅

五古

晴日滿南檐隔窗生暖氣倦坐倚竦櫺不飲渾如醉折
柬欲題詩未就已成寐夢醒開倦眸瓶中花半墜

聞妙香集

丙寅

相思字

嬌紅一樹子低垂萬點胭脂綴滿枝幾度攀條不忍摘
可憐艸木尙相思

返魂香

名香手藝淚偷彈聚窟洲遙覓路難縱使花魂能再返
爭禁風雨日摧殘

連理枝

西風颯颯雨絲絲宰樹無言翠蔭垂死後生前總離別
何須連理又成枝

不死藥

香魂豔魄共悠悠錦片良緣一霎休
漫向仙山采靈藥
縮能醫命不醫愁

無謂集 己巳

秋日登陶然亭

黃塵捲地青天無寒雲慘淡斜陽枯
狂風四起寺欲動
波濤萬頃翻荒蘆雪花亂湧捲平地
青瀾黃浪飛空際
近村遠樹盡茫然
漫漫四野生秋氣
去年來遊時風景
何清真今年復來遊
風日同昏昏疑是天公怕詩落窠

曰故將舊景重翻新遠山避人不可見荒城古木秋聲
戰殘花敗葉空中煽憑闌縱眺目光亂興來落筆新詩
成狂吟拍掌西風驚仰空大笑問蒼昊新詩可如舊詩
好

夢遊桂林山歌送丹五

青天壓山山欲摧青山插天天欲開天山相觸不肯讓
化成一片青無涯夢中問山靈山靈云是桂林山千巖
萬壑相回環桂枝百丈高難攀金華燦爛輝峯巔崖重
岫複怒相向啼猿哀狖穿青天雲崩霧裂烟嵐明滅古

洞中開鳥啼人絕飛湍打樹山鳴咽怪峯蝕天紅日缺
衆山四面排嵯峨寒雲亂捲山生波峯尖尖兮若劍岫
岌岌兮如戈山靈不管上天怒奇形怪狀肆向空中羅
忽然立山頭忽然卧榻上開眸四顧失層嶂戲題俚句
送君行倚窓南望增惆悵

偶成

欲憂無可憂欲樂無可樂浮沈天地中何事待我作

羅宿集

丁卯

雪中訪鏡寰

雲低不見山村迷難辨樹大野白茫茫四望疑無路曳
屐步荒郊隨地成佳趣乘興恣遊覽徐行不知暮

上巳前五日偕藝圃鏡寰探杏慈壽寺題壁是日

雪

出郭路敲斜攜筇踏白沙澹烟三里水

由三里河過

殘雪半

村花寺僻僧難俗莊荒酒不賒優遊深忘晚野樹已栖
鴉

古戰場歌

白骨滿地秋山乾斜陽黯淡青天般愁雲壓樹陰風酸

林枯水涸無人烟，人稀獸絕禽不喧。
斷蓬衰草黃連天，荒沙漠漠黃無邊。
夜深月落天地昏，鬼啼神泣豺狼奔。
青磷閃爍飛冤魂，蛇燈狐火燒成團。
妖禽啾啾作人言，陰霾毒霧迷荒原。
狂飈捲野林巒掀，石飛木立風沙搏。
鬪饑馬革隨人旋，血腥撲人馬不前。
天迷地昧山川翻，哀哉戰場始何年。
爲秦爲漢爲明元，奪疆競土屠人民。
爭助鬪烈兵戈延，生靈荼毒誰知憐。
傷心慘目自古然，雨後與皆平證圃祥徵夜話。

莓苔匝徑青滿地，月光潤西風穿樹來。
繞屋秋聲嫩列

坐小山傍披襟發清論談久盡忘歸
翛然破愁悶

窮奇集

卽景

小院人聲悄涼宵獨掩扉
月光含雨潤花影帶烟肥
繾繾難絕繁華事已非
秋風漸相迫淒切歎無衣

看山

秋山如貧士翛然清到骨
特立天地閒矯矯非俗物
繁華盡掃除口焉眞神出
相對竟忘言精神粹發越

秋夜

寒雨打窓窓欲裂急風逼燈燈欲滅繞階落葉響如人
破榻兒啼聲不絕

古意

郎十七妾十六妾如花郎如玉郎十八妾十七妾有家
郎有室

小青

平山曲曲翠連雲邗水悠悠碧少塵山光水色秀難盡
幻出元元絕代人清才麗質世稀有陶鎔况遇多才母
謝家柳絮衛家花妙墨清詩兩無偶豈徒才貌迥超羣

妙舞清歌更絕倫，可惜塵緣難斬斷。執迷不肯入空門，
無緣不得空門入。低頭屈作豪門妾，膏粱夫婿不風流。
彩鳳隨鴉悔難及，隨鴉豈忍不從鴉。坐受欺凌倍可嗟，
無情恰遇河東柳。薄命眞如塞北花，好花豈耐頻摧折。
弱質柔情慘將絕，淺渚波微敢敵江。小星光暗難爭月，
幽閨困守已堪憐。別業移居更慘然，河魚天雁防閑密。
折斷人閒並蒂蓮，閻威遠播郎難至。玉人從此投閒地，
嶺上梅花三百株。一時染遍相思淚，孤山孤處淚空垂。
暮恨朝愁只自知，南屏寺裏鐘鳴後。西子湖邊月上時，

知心賴有楊家婦惜玉憐香意良厚有心代覓鳳鸞交
無計難祛獅子吼豈料貞心不可移牢愁自守意何癡
恥同柳絮隨風舞甘作幽蘭受雪欺雪寒蘭弱凋零速
癡癡病體風中燭玉顏指日委泥沙悍婦何勞施酖毒
愁深病劇兩難支冶服明妝更有姿人比黃花憐太瘦
心如紅豆枉相思香軀自識難長久傳語檀郎求畫手
妾病如斯郎不來妾心深意郎知否傳神取次易香牋
一幅眞容儼若仙眉梢隱恨描將易心曲幽情寫出難
撫圖一慟抒悲憤呼名自祭柔腸斷西風一陣起孤山

萬縷癡情隨命盡癡郎日暮至何遲既送佳人又送詩
可憐一卷心頭血錦繡琅玕盡作灰零星幸有焚餘稿
清詞麗句何嫌少吉光片羽已堪珍仙桂一枝良可寶
珠沈玉碎劇堪傷惡業良緣盡渺茫一縷真情抽已斷
留將孤冢待癡郎慈悲難灑楊枝露夜臺杳杳無歸路
還魂枉讀牡丹亭埋骨空鄰蘇小墓亦作人閒難返麗
娘魂地下常依蘇
小披閱遺編淚暗傾長歌聊作不平鳴世閒亦有癡於
子豈獨傷心是小青

春暮

睡起捲珠簾春衫溼殘淚深院一聲鶯落花紅滿地
樓外杏垂子廊腰蕉展陰莫嫌韶景老春在美人心

龍

凌空一躍三千丈蚤駭蛟驚不敢前怒挾雲雷翻碧海
倒拖風雨上青天飛騰霄漢誰堪逐困守溝渠亦可憐
寄語池魚休見哂從來靈物有逶迤

鬼

霧暗烟深狐亂鳴幽魂一縷任游行青燈滿地月無影
白骨遍山風有聲生死由來同恍惚恩仇何必太分明

陰陽回首俱成幻後果前因苦自縈

偶齋詩草外集卷二

陽生集

宗室寶廷竹坡著

早行

凌晨出門去撲面冷難勝市靜人初起天高日未升朝
霜補殘雪流水續新冰感此時光變安居慚未能

詠史

賢愚忠佞回頭盡治亂興亡轉瞬消故紙一堆橫隔下
悠悠已過廿三朝

才聞禮樂又兵戈世運回還奈若何十二萬年方過半

奇踪異跡已多多

往跡何由辨假真枉勞褻貶費精神
憐君忘卻當時事有筆偏能論古人

幾番堪喜復堪悲載籍遺聞儘出奇
可惜無窮身後事蒼天不許我先知

雪中訪鏡寰不遇

野曠人稀鳥不喧漫漫大雪徧平原
雲連遠樹迷歸路徑轉寒溪失故村
晚岫幾層微見影荒城一片隱留痕
山陰處士遊何處勞我空敲白板門

雪後閒步

寒雲覆遠天，斜陽出復沒。
枯木繞荒村，平田帶殘雪。
積雪沒微徑，荒田飛亂鴉。
隔林聞犬吠，遙知有人家。
林迴大堄開，平疇白萬頃。
寒烟迷遠山，蒼蒼微見影。

夜行

荒原絕人行，殘雪滿地白。
寒霧迷枯林，斜月暗無色。

卽景

欲落未落天上月，欲盡未盡地下雪。
北風捲樹凍葉飛，宿鳥驚啼聲不絕。

荒隄小立獨徘徊蓬戶蕭條夜尙開斜月無光風不動
滿山殘雪一燈來

入官集

戊辰

許由瓢

洪水滿天下只取一瓢飲士各有志聖人不禁賡舜歌
堯不如一瓢瓢猶棄况爲帝

劉伶鋪

死便埋我不死且醉醉不至死醉亦無謂安豐巨源良
可傷不醉不死趨朝堂

塞下曲

北風吹雪滿陰山
十萬匈奴夜扣關
麾下健兒空戰死
將軍昨日已生還

邊城十萬帶吳鉤
日日含悲上戍樓
聞道唐家重關塞
論功一戰卽封侯

塞垣殘照晚淒淒
回首家山舊徑迷
遙憶朝來南去雁
此時應過鳳城西

烽烟穿空陣雲裂
急風捲沙腥似血
胡笳一聲不見人
鬼火滿山明復滅

落葉

一聲寒柝夢驚醒滿院西風秋雨飛睡起開門下階立
橫空萬點撲人衣烟埋曲徑亂蛩語雲掩遙山征雁歸
歎息年華又消歇呼童剪燭閉雙扉

曰壯集

楊柳枝詞

紅柳毵毵滿亂山風沙漠漠損朱顏自知久戍無歸日
不怨春光不度關

渭城歌罷動征輪折得柔條涕染巾分付何戡莫重唱

陽關未出已無人

聽鶯曲

小園寂寞春晝長
新青滿樹遮迴廊
夢醒披衣下階立
落花撲面東風香
花閒忽聽一聲嘒
聲聲相聯聲不斷
玉笙細奏韻悠揚
金縷徐歌音歷亂
有時枝頭獨自語
逸調孤彈媚如許
有時同向樹中啼
閒關相和高復低
和風一陣捲樹過
春聲滿院隨花飛
出谷嚶嚶求伴侶
對語羣飛振金羽
幾聲叫破綠楊烟
雙翼敲殘紅杏雨
幾時買棹下杭州
斗酒雙柑日縱遊
柳浪繞堤春水足

朝朝獨坐六橋頭

壬申集

大覺寺下望山

高山摩青天仰視不見路但見山腰人入樹復出樹

上平臺

別臺躋西岡陡絕不可上開山蟠危途一線織魚網澗
斷石骨崩壁劓山皮剝攀援共高陟心躍目恟倪兩步
易北南二人阻來往迴身石拗肩昂首崖觸顙偃僕面
及地足滑不敢仰迂途將五里登高無百丈力行升崔

鬼景佳不暇賞三百六十盡跌坐猶懨懨

蘿蔔地晚行望山

緩步西南上崖巒望杳冥雲埋深澗白天入亂山青險境有平路奇峯無定形隔林村尚遠遊履倦難停

櫻桃溝

策杖下高嶺青山兩岸分幾家藏樹裏野鳥自成羣流水不滿澗亂峰常帶雲支頤聊小立閃閃日將曛

陰山

峭壁斷山陰當道不可越矗立一千尺慘澹黑如漆下

狹上反廣踵入頂翻出窈冥變天地幽昏忘日月水齧
巖中開雲乾石橫裂崖突雨足斷澗拗風頭折霹靂一
聲發陰霧四山結壁石震有音風狂樹欲拔對面不敢
窺獨立心戰慄

水泉

危崖如犬牙三重互相齧一澗穿山行半里五旋折怪
峰立四面黑黯堆朽骨石鏽吐幽花殷紅色凝血巖壁
排縱橫四方迷恍惚陰壑東行人迴轉不可出山均名
水泉誰人建虛室小息避風雨半晌仍惴慄

桑乾

隔山聞河聲下山河未見繞山二三里始至桑乾岸坡
迴水倒流石拗波橫噴黃瀾四五條平沙紛散亂石困
駕浮梁窄板行戰戰往來肩相衝入馬路分半風勁步
難開波明目自眩疾行過河東衣沾背浹汗

三家店曉望

亂山圍孤村山多覺地少曉日照羣峰嵐烟望縹緲村
農引河流水聲在樹杪禾麥遍野青溝澮四圍繞河堤
疊股坐目曠舒懷抱莫嫌地荒僻山川此閒好

西山道中

野曠水聲澗村荒山木稠亂峰迷地勢曲嶺折河流日
對行人落雲連遠寺浮三家店何處曳杖路悠悠

田盤集

壬申

燕郊道中晚行

日落霞猶聚天昏月未明河枯冰作路村遠樹如城曠
野無人跡深林絕鳥聲燕郊遙在望薄暮且徐行

始登盤山

隔山見古寺到山寺不見一徑蟠山入曲曲若螺旋雙

壁束行人青天留一片
惟石排當頭根突外出半巖懸
樹立空坡削路在
澗迴環西復東
股戰目光眩古寺藏
山凹莊嚴何代建
攝衣共登陟探奇
愜素願

天成寺

天成居山心山多青天少
石壁列翠屏見樹不見草

寺後

倚翠屏峰
上下皆石

危崖排如城迎風勢欲倒
出入絕無路嗟哦

四面繞田盤饒靈境首
數此閒好何年結茅屋
讀書以終老

山行

出寺上東山坎坷行數歇扶筇過石橋危城折蟠屈淵
轉去途窮峰迴來路失寒泉足下湧巨石頭上出迴旋
四五里崇岡數重越俯身視壑底復見寺中室鼓勇登
前嶺躑躅趨難急小息入禪房烹茶飽榛栗

萬松寺

勝境鄰盤谷人行萬綠閒鐘鳴知有寺樹密似無山古
刹千年建高峰四面環衛公遺跡在莫憚遠登攀

寺原名衛

公菴建自唐碑
尚存能透日影

桃源洞題壁

桃源良異境到此遠塵氛殘雪半山樹斜陽一澗雲峰
危樵徑絕壁陡斷崖分靜坐無人間寒林下鳥羣

自桃源洞上雲罩寺道中口占

亂石攢山腰危徑行屢絕夕陽照疎林峭壁色如鐵微
風山上來滿衣落松雪

雲罩寺

一塔立岡風雲山圍百重入天開古寺繞地聳羣峰嵐
翠低千象千象寺在寺東九華峰下濤聲俯萬松更當升絕頂縱眺

豁心胸

登挂月峰題壁

太行東走五千里突然拔出田盤山羣岡衆嶺四圍繞
雲罩一寺居其巔絕頂石峰稱挂月浮圖矗立標雲間
登高四望快心目奇景異境紛來前衆山厯厯盡在地
一身飄飄疑上天亂峯飛舞共朝拱東西南北中皆聯
隨勢異形方異色爭奇鬪怪光斑斕澗吞峰吐翠開闔
壁立嶺卧青鈎連上中下盤各標勝至此一覽山形全
目窮四方不可極遠近綿亘茫無邊崇岡萬里界沙漠
孤城數點分幽燕大河如渠樹如草荒田大墅關漫漫

眼光盡處暮色起天涯一片迷蒼烟仰空大呼日月近
披襟長嘯乾坤寬天風吹人欲高舉凌虛恍惚成飛仙
興來得句抹破壁冰花凝墨生毫端詩成擲筆下山去
萬峰落日蒼天寒

月夜偕叢波上人自萬松下天成

策杖下禪關松嶺同緩步林梢見月光不知月何處緣
山四五轉巖開月始露暮靄迷陰崖難分石與樹危磴
攀松登深壑踏冰渡怪石高如人昂頭立當路幸有山
僧偕尋途免謬誤

田盤

田盤如瘦人骨節皆露外山靈戲游人有意弄奇態逕
無十步直石有萬種怪燕薊饒名山屈指此爲最

卽景

絕頂孤亭迥登臨實快哉眼前行日月足底聳樓臺西
北羣峰列東南大墅開白雲飛不斷隱約有仙來

題李觀瀾龍泉園

幽絕穿芳峪羣峰繞似城水泉隨路出村勢逐山成地
僻生詩思心高澹宦情隱居多樂事卽此了浮生

交繞峯

上方寺西上有二石肖龜俗稱二龜探交繞

層巒疊嶂四旋繞寺背突然生怪峯一石拔起五千尺
對人直立摩寒空巖腰磴絕裂枯蘚洞口壁開交老松
遙指二龜天際口乘風欲上恨無從

東遊集

壬申

曉過潞河

振策橫橋過清波細細流朝霞明淺水遠樹聚歸舟露
溼渾疑雨風輕儼似秋潞城看漸遠東望路悠悠

自蓮花嶺登天城寺

偶齋詩草外集

卷二

十

扶筇登峻嶺，彳亍過荒村。徑轉先聞水，崖開始見門。湖迴山出角，石突壁無根。古寺行行到，空林亂鳥喧。

登蕉嶢峯題壁

峯頭兩開如門，東壁刊天門，開三大字，右署北海劉應節，下有白猿

洞爲此山至難登處，有大石側立，鑿坎數口，僅容踵之半，下臨絕壑，行者須解屨，或以繩縋，俗呼八步險。

門開崖出頭，破裂天張口。危磴無人攀，古洞有仙守。巖敲徑側懸，樹突峰中剖。仰視石觸額，側行壁磨肘。騰身作猿升，折腰學蛇走。杖斷縋以帶，足滑行用手。八步度良艱，一墜生何有。卓哉北海劉，與山同不朽。

自來峰題壁

獨立萬山巔登高天地寬
眼中空九塞足下小三盤
赤日逼人大白雲埋寺寒
醉來題石壁嵐翠繞毫端

偕叢坡尋舊龍潭

陰壑如石匣函人不許出一淵
亘十里十步一迴屈雙壁夾青天
懸空削石骨破轉去途窮崖旋來路失石壓頭難昂徑拗足欲折
回旋忘西東陰森迷日月巨石偃如箕橫阻澗中絕深潭不見底
神物潛窟穴瀑布四崖噴懸流爭滂渤腥風捲地起撲面飛寒沫凝立不能言
心動神戰慄側行踏石過寒風生毛髮奇境探未窮險

阻復何恤

黑龍潭

言下舊龍潭曲折西北適轉步怪峰來當頭青天黑危

巖對人立破碎懸巨石土崩崖半開水齧壁如刻

潭東南有

獬豸峯極奇險又有碎玉

峯碎玉巖巨石纍纍欲下循山四五轉甫達神龍宅峻

嶺壓東南山高壑逾仄

上有鶯兒嶺

崖深水氣腥湖逼風頭

窄三潭陷壑底陡絕不可卽壁裂印蛇痕徑危羅虎跡

黑雲照潭心夕陽黯無色小憇難久停伫視不敢息曳

杖遶東歸森然懾魂魄

天城寺看雨

霹靂一聲山谷驚，波濤頃刻起天城。
峰腰風急雨橫走，巖口樹多雲側行。
亂電繞林崖欲動，疾流穿石澗如傾。
狂飈捲地神龍去，霧散烟消紅日明。

宿段家嶺南趙家庄杜雨香家留贈

莫道農家苦，荒居景自佳。
濃雲半嶺樹，細雨一村蛙。
淺水繞牆過，好峯當戶排。
主人能愛客，相伴宿書齋。

養疴集

壬申

詩闕

西山集

癸酉

山中絕句

疊嶂崔嵬不染塵
清明已過雨紛紛
滿山紅白迷難辨
半是桃花半是雲

曲澗雲埋月色昏
迷離何處覓荒村
夜深那得樵夫問
一路桃花引到門

亂石清泉十里路
淡雲微雨一山花
峯巒隨處堪留覽
不怕遊人行路差

桃源

曲折桃源路山深月半遮
隔林寒犬吠知是有人家
近先聞水村遙但見花
禪宮堪借宿松下飯胡麻

山中

山中風雨狂竟夕聲不絕
曉起出門看峯頭已成雪
桃花猶未舒杏花開漸歇
東風一吹噓紅白同披拂

雨中偕王蘭君遊仰山樓隱寺

亂雲爭一壑巖岫互吞吐
涼風忽然來吹作滿山雨
策杖入雲中棲隱尋梵宇
羣峯倏逃避迷漫不可覩
拭雨錄殘碑撥花搜舊礎
壯觀半凋謝回首成今古

寺創自金代章

宗曾遊幸有五峯入亭明宣德間重修有二碑一金一
明金碑只餘半明碑尙存立寺外荒田中寺久荒廢今
存殿宇廿餘間雨歇下危坡相扶步岨崕殘雲罩亂花
宛平某君所修
紗窓隔美女奇峯半隱見遠近紛難數薄暮返桃源山
肴恣飲茹

滴水巖看雨題壁

巖左有洞中有臥龍牀

霹靂一聲巖谷動卧龍怒起蟠青霄逆風捲淵雲倒走
急雨鬪山峯亂搖大壑波翻瀉河漢枯林水湧傾江潮
憑闌狂笑寫奇句壯懷奮發塵心消

宿天泉寺

湖仄絕無地崖深微有天龍蛇遊戶外虎豹嘯燈前壁
陡路橫關峯危屋半懸泉聲鳴徹夜惴慄不成眠

桃園早起

晨起步山邊嵐光撲人翠東風蕩芳林滿地紅英碎宿
雨助泉聲微雲潤花氣好鳥相和鳴嚶嚶發春籟韶華
良鮮妍催人動詩思

自妙峯下越前嶺遊滴水巖

拄杖降高岡陡絕不容步盤旋下壑底幽昏心膽怖怪
峯學鬼立對人若瞋怒巨石壓頂懸面削根半吐雙崖

狹如門夾肩不許度一溯穿崖行人與水爭路路轉見
高巖古刹天半踞循坡入山門左右道交互壁裂山有
眼巖懸寺無跣陰洞陷山腰神龍伴僧住天泉頭上落
涓滴皆甘露小憩坐池邊烹茶尋舊句

望洋集

津門

要隘津門據河流遠近橫雄關遮大海衆水束孤城舟
楫穿衢渡蛟龍繞市行轉漕通萬里屏翰衛神京

大沽海口

萬水下津門洪濤一道奔岸開河直出地斷海橫吞日
月隨潮湧魚龍破浪翻高臺排對面血戰泣忠魂

自張家灣赴于家圍道中大雨投店題壁

急電繞車奔荒原四望昏雲雷爭大野風雨亂孤村陰
霧連城暗狂流夾道翻揮鞭趨旅舍瞑眩不知門

望田盤

一塔高壓山頭傾羣峯怒立橫相爭嵐崩烟破石骨迸
千巖萬壑生鋒棱五臺列峙分秀奇鑿青鬪碧形崔嵬
何年仙人恣遊戲移燕換晉迷東西名菴古寺紛無數

隱約高低隔雲霧風來雲散合復開遠近樓臺倏藏露
去年入山窮登攀峯巒迴轉迷孱顏對面一觀真象現
山容甫得窺其全幽燕山勢多縈紆田盤特立標欽嶮
恍如才人埋沒逐流俗挺然終與凡人殊靈區在望無
由至秀色遙觀已心醉世間佳趣原在未得前身慙其
閒反無味

洵陽

蕞爾洵陽邑頽垣址半存年荒官似客縣小市如村嶺
勢隨城抱河流繞郭奔何人籌賑恤開廩濟黎元

與文鏡寰飲大醉明日書寄

落魄騷壇且莫嗤浮生歲月本如馳不能醉死何言酒
尙有人知豈算詩天下疏狂推我輩世閒富貴待何時
百年愁緒憑誰遣濁醕三升筆一枝

漫成

年華虛度卅三春彈指浮生歎苦辛鄉未遠離因子幼
官難卽棄爲家貧雲山有願償何日風月無情累此身
莫道老來當益壯可憐壯已不如人

零星集

仙苑詩集卷之二
二二
偕志白石宗子美子佑昆仲遊紫竹禪林

緣山一逕入荒葦水聲滿地不見水葦花盡處露紅牆
一片寒塘清見底寺門臨水人不逢小山四周無路通
漁舟不繫泛水面殘荷數柄搖西風隄頭小坐塵心卻
蕭然自覺衣裳薄半晌相對悄無人一聲潑刺遊魚躍

經樂善園

緣河築小山山曲河亦曲隨山四五里清流屢洄洑欵
步偕幽人臨流足瞻矚故址歎荒涼悽然悲滿目隄迴
斷壁斜岸轉高林伏橋傾逕流水屋墮庭積穀夕照映

蘆花荒陂秋草綠壯觀盡摧殘往來恣樵牧歎息復歎
息盛衰如轉轂人生無百年行樂莫拘束

山海關歌送繼述堂夫子之奉天少司馬任

長城東走一萬里疊嶂連山到海止一關屹立扼其尾
鎖鑰燕遼隘山海破潮立壁水爲址鑿雲關門石骨毀
毒蛟猛虎懾不起上壓山頭下海底隔斷風雲遏神鬼
山王水伯司閉啓銅垣鐵墉堅不圯雄兵坐鎮寇盜弭
函潼散劍安足擬永守邊疆標奇偉雙旌東出騰光彩
壯觀快睹樂莫比兵樞手握靖邊鄙虎符魚鑰震奸宄

自慚貧賤困桑梓未能負笈供役使望公早還佐
天子歸來示我圖一紙

雨夜醉後與文鏡寰王蘭君闖題得書懷

壯志何時就飢寒誤此生死前難覓樂身後或成名急
電分雲影迴風聚雨聲涼宵同促膝蕭瑟動秋情

飲酒

世無美婦人聊爾飲醕酒人生行樂耳何須望永久朝
起傾三升夕眠盡五斗終日醉狂藥沈湎不去口酒酣
臥南窗嗒焉似喪耦天地與古今一時盡無有了此百

年身誰暇求不朽

俗人自當罵非關我使酒縱使禍及身當時且快口勢
利盈宇宙是非孰分割興到一傾吐不平去八九齒牙
代斧鉞口舌作擊掎公道在醉鄉安敢妄可否劉四死
有知九泉應肯首

大風撼青天亂星搖欲墜醉後步中庭殘雪白滿地酒
氣戰寒威拂拂充口鼻昂首望太空心遊天地外

使越集

癸酉

德州早發

凌晨發安德秋色望蒼然曉日燒滄海朝霞染碧天山
川近齊魯城邑別幽燕故里知何處平安語孰傳

平原二十里舖題壁

豈無猛將與謀臣坐困邯鄲欲帝秦誰建奇功存趙國
半由公子半佳人

脫手千金意灑然解紛排難古今傳我來不惜絲多買
繡罷平原繡魯連

七夕宿晏城旅舍偶成

銀潢皎皎界空斜燦爛雙星映月華始信人閒遜天上

良宵如此不還家

自峒山赴張夏鎮輿中口占

長清行旅好如向畫中來
村勢隨山曲溪流逐嶺迴
林分峰直出路轉谷斜開
到處堪流覽籃輿且莫催

岱頂題壁

獨立衆山頂乾坤一望收
九州皆在眼四嶽盡低頭
日月窓前湧雲霞檻外浮
何時重策杖巖壑遍登游

寄懷王芷亭道士

漱芳道士太狂癡不鍊金丹只鍊詩
却笑仙人無妙術

不能縮地枉相思

寄懷京中同社諸友

離家二十有一日得詩四十有九首寄語京華諸故人
此行我負山川否日日足不駐日日手不停足行不及
手書速一日二詩詩兼程蘆溝發軔動吟興從此驛路
無虛行

自蘆溝橋詩起無日無詩

泰山萬仞高峻嶒乘炬夜上雲霞

驚黃河千頃朗吟過蛟螭拊舞同歡迎徂徠東蒙入佳
句汶沂濟潔供酬賡董帷毛館疏鄉葛里叔子墓登臨
憑弔增吟情

君子館漢毛公故蹟景州有董子下幃處沂州爲二疏孔明故里羊流店有羊叔子

墓

興來欲作平原十日飲恨他趙家公子難重生燕趙
齊魯郊徐吳詩編重疊當與圖興酣落筆不加點旅牆
到處縱橫塗惜哉騷壇舊侶不能見解人難索吟懷孤
不信四海之大少我輩往來行旅未必知音無大呼招
仙人爲我遍攝諸君魂隨我觀濤東海門隨我泛月西
湖濱隨我棲眞看瑞雲隨我葛嶺瞻朝暎隨我題遍錢
唐之水餘杭山可恨諸君不肯至聊作長歌寄離思

廣陵行

繁華自昔誇揚州我來憑弔增旅愁古蹟凋零不可覓

西風鼓浪搖孤舟憶昔潢池寇氛起揚子江流成血水
十年苦戰剩孤城千秋名勝悲消毀物換星移壯觀空
當年勝景難再逢隋隄柳死河魚泣謝埭棠枯戰血紅
盛衰迅速悲彈指往事回頭屢噓唏嶺壞梅花哭舊魂
洲空瓜步添新鬼名區幾日變荒涼難辨歌場與戰場
十里春風醒舊夢二分明月冷秋光迷樓百尺慨無存
苑廢螢枯夕照溫二十四橋秋水漫錦帆天子已無魂
星槎小泊城南渡俯仰臨流不忍去揮毫試作廣陵行
敢希明遠蕪城賦

渡揚子江

浩浩乎蕩蕩乎惚兮恍兮決兮澌兮大江之水何處來
聞說乃在吐蕃之北西甯之西大禹疏鑿不到處一條
湧出崑崙隈濯滇煎蜀滌荆沐吳數萬里建瓴東下誰
當之遇山吞山峽破峽千河萬湖流同歸到此一泄不
能止直入大海滄溟開其流奔放肆大龐然不可極浮
天浸地無津涯汝漢淮泗舉莫敢爭勝惟有黃河一水
堪相持北有瓜步之荒洲南有北固之層巒西有燕子
之危磯東有圖寨之高山一碧萬頃茫如烟白波飛舞

黏青天毒蛟惡蜃同潛蟠鯨鯢鼉鼉相迴旋魍魎俟人
垂腥涎沈尸戰骨號煩冤萬石之舟至此不敢過長江
天塹今古嗟艱難仰天大嘯揚帆直過桅觸風開舟衝
浪破破竹迎刃不可住順流而下若平路飛廉作勢神
威助天吳馮夷同呵護神龍含笑索佳句妖魚怪鼈心
驚懼太舟小舟檣帆聯高低出沒烟濤間金焦兩點目
前列瓊樓玉宇波心懸手摩妙高呼坡仙後先相去幾
許年亦知今日有我渡江否可恨不能待我同參禪我
聞祖生矢志清中原中流擊楫先着鞭又聞韓王大戰

黃天蕩紅顏擊鼓江濤翻我生幸際太平世不勞行陣
揮戈鋌願借星槎溯流上探幽直達金沙源歷遍岷峨
以上奇險境題詩勒石永鎮崑山巔

揚州舟上偶成寄京中故人

珍重星槎戒律嚴疏狂怕惹俗人嫌秋風十里揚州郭
荳蔻花殘不捲簾

瓜州曉望

西風捲水浪頭摧旗影飄空畫角哀峻嶺南迴京口隱
大江東下海門開沙翻戰骨秋濤闢城埽狂瀾斷岸頽

萬頃洪流連曠野
帆檣如陣破潮來

舟中望西湖諸山作

我未見西湖先見西湖山
峯巒處處表靈秀
青光一片來舟前
推篷大笑喜欲墜
詩心飛上雙峯巔
不需半日即可至
其奈法約令束遨
遊難期諸翼日已難耐
何況澹旬而月相俄延
勝境在卽不許往
神馳目注空垂涎
遊期雖近在秋暮
只愁風景隨時遷
縱使歸途偷閒暫
遊眺千巖萬壑
那得窮躋攀
香山不作東坡死
千年孤負湖山美
新詩滿腹不容出
閑藏如婦重闈裏
就使我

能強忍幾多時但恐山焦水躁難久俟長揖呼愚公爲
我運神功瓶提冷泉水杖荷飛來峯一一移來棘院中
俾我朝夕吟詠開心胸與彼白蘇二叟爭雌雄